

Tervetuloa Moderniin Museoon

Modernillä Museolla on yks Euroopan parhaimmista kokoelmista modernistä ja tämänaikaishaisesta taitteesta, ja sielä on auvainteoksia joitako muun muassa taiteeliat Henri Matisse, Niki de Saint Phalle ja Salvador Dalí on tehneet. Kokoelma on taitetta jotako Moderni Museo omistaa ja se sisältää maalauksia, veistoksia, instalasuunia, filmiä ja viideota, riittauksia ja grafikkaa ruottalaisilta ja kansanvälisiltä taiteelilioilta koko 1900-luvulta tähhään päihvään asti. Kokoelmassa on kansa valokuva- ja valokuvaperustettua taitetta 1840-luvulta etheen päin. Tätä laajaa kokoelmaa näytethään vuet ympäri ja heilutethaan säänölisesti uuesti. Samala aikaa näytethään aina tilapäisiä näyttelyjä tärkeiltä taiteelilioilta ja muita jännittäviä taitheelisia projektia.

Museolla on popylääri restaurangi jostako näkkee Djurgårdenille. Kaupala on laaja tarjonta kirjoja, muotoilua ja kampheita. Värstassa on ohjelmia lapsile.

Moderniä Museota omistaa valtio ja museolla on tehtävännä ette koota, säilyttää, näyttää ja välittää 1900- ja 2000-luvun taitetta kaikissa mallissa.

Ulkoilmaveistoksia

Moderni Museo on keskelä Stokholmia Skeppsholmenin saarela ja sielä ulkonaolevat veistokset on tykätty osa ympäristöstä. Sie saatat nähjä veistoksia niinku *Frukost i det gröna/Fruukosti ulkosalla* Pablo Picassolta, *Paradiset/Paaratiisi* Niki de Saint Phallelta ja Jean Tinguelyltä ja kansa *De fyra elementen/Net neljä elementtiä* Alexander Calderilta.

Histuriata

Moderni Museo aukasthiin 1958 talossa jossako tänä päivänä on Arkitektur- och designcentrum/Arkitektyyri- ja Muotoilukeskus. 1998 vihithiin se uusi rakenus, jonka spanniaalainen arkitekti Rafael Moneo on riitanu. 26 joulukuuta 2009 aukasthiin kansa Moderni Museo Malmö. Moderni Museo on se enniiten vierailttu taitemuseo Ruottissa.

Ko sie käyt Modernissa Museossa, muista ette:

Nauttia ja saaja inspirasuunia taitteesta.

Meän museoväärtit vastaavat mielelhään kysymykshiin.

Sitä ei saa koskea taitetta, yks pikkunen sormi saattaa valitettavasti tärvätä taitheen päälystää.

Valokuvvaamista saapii tehjä näyttelysalissa, mutta älä käytä blikstiä.

Mupilitelefoonissa ei saa puhua näyttelysalissa, Audituurissa elikkä Filmisalissa.

Laukkua ei saa kantaa sölässä, vain käessä elikkä vattan päälä.

Paraplyytä elikkä selffitikkuja ei saa ottaa matkhaan näyttelysalhiin sisäle.

Ruokaa ja juomista saapii restaurangissa ja kahvilassa, ei näyttelysalissa.

Vierailuosote

Skeppsholmen, Stokholmi.

Bussi 65 Keskusasemalta/ Centralstationen.

Tynnelpaana Kungsträdgårdenille.

Färjoja Slusseniltä ja Djurgårdenilta, kesäaikana Nybrovikeniltäki.

Aukeat näyttelyt

Piethään monta kertaa viikossa. Käy modernamuseet.se niin saat taatumia ja aikoja. Näyttelyt kuuluvat sisälemenomakshoon.

Kontakti

Telefooninnumero: 08-5202 3500

MODERNA MUSEET

www.modernamuseet.se